

**ევროპული კონვენცია ქორწინების გარეშე  
დაბადებულ ბავშვთა სამართლებრივი  
სტატუსის შესახებ**

**სტრასბურგი, 1975 წლის 15 ოქტომბერი**

ქვემოთ ხელისმომწერი, ევროპის საბჭოს წევრი სახელმწიფოები ითვალისწინებენ, რომ ევროპის საბჭოს მიზანია მის წევრთა შორის უფრო დიდი ერთიანობის მიღწევა, განსაკუთრებით კანონმდებლობის სფეროში საერთო წესების მიღებით;

აღნიშნავენ, რომ მრავალ წევრ სახელმწიფოში გადადგმულია ან იდგება ნაბიჯები ქორწინების გარეშე დაბადებულ ბავშვთა სამართლებრივი სტატუსის გაუმჯობესებისათვის, მათსა და ქორწინების შედეგად დაბადებულ ბავშვთა სამართლებრივ სტატუსებს შორის იმ განსხვავებათა შემცირებით, რომლებიც იწვევენ პირველთა სამართლებრივ თუ სოციალურ ნაკლოვანებებს.

აღიარებენ, რომ ჯერ კიდევ არსებობს წევრ სახელმწიფოთა ამ სფეროსთან დაკავშირებულ კანონმდებლობებს შორის დიდი განსხვავებები.

სწამთ, რომ ქორწინების გარეშე დაბადებულ ბავშვთა მდგომარეობა უნდა გამოსწორდეს და მათ სამართლებრივ სტატუსთან დაკავშირებული საერთო წესების ფორმულირება ხელს შეუწყობს ამ მიზნის მიღწევას და იმავდროულად წვლილს შეიტანს ამ სფეროში წევრ სახელმწიფოთა კანონმდებლობების ჰარმონიზაციაში.

ამასთან, ითვალისწინებენ, რომ იმ სახელმწიფოებისათვის, რომლებსაც მიაჩნიათ, რომ ვერ შეძლებენ წინამდებარე კონვენციის გარკვეული წესების ერთბაშად მიღებას, აუცილებელია დაშვებულ იქნას წინასწარი ეტაპები,

შეთანხმდენ შემდეგ ზე:

**მუხლი - I**

თითოეული ხელმშეკვერელი მხარე იღებს ვალდებულებას უზრუნველყოს თავისი კანონმდებლობის შესაბამისობა წინამდებარე კონვენციის დებულებებთან და შეატყობინოს ევროპის საბჭოს გენერალურ მდივანს ამ მიზნით მიღებული ზომების თაობაზე.

**მუხლი - II**

ქორწინების გარეშე დაბადებული თითოეული ბავშვის დედობის დადგენა დაფუძნებული იქნება მხოლოდ ბავშვის დაბადების ფაქტზე.

**მუხლი - III**

ქორწინების გარეშე დაბადებული თითოეული ბავშვის მამობის დადგენა შეიძლება დამყარდეს ან დადგინდეს ნებაცხოფილობითი აღიარებით ან სასამართლო გადაწყვეტილებით.

**მუხლი - IV**

მამობის ნებაცხოფილობითი აღიარება არ შეიძლება იყოს ვასაჩივრებული ან ეჭვქვეშ დაყენებული რამდენადაც შიდა კანონმდებლობა ადგენს აღნიშნული პროცედურებისათვის, გარდა იმ

შემთხვევებისა, როდესაც პიროვნება, რომელსაც სურს აღიაროს ან აღიარა ბავშვი, არ არის ბავშვის ბიოლოგიური მამა.

### **მუხლი - V**

მამობის დადგენასთან დაკავშირებულ მოქმედებაში მეცნიერული მტკიცებულებანი, რომლებსაც ძალუძთ ხელი შეუწყონ მამობის დადგენას ან უარყოფას იქნება დაშვებული.

### **მუხლი - VI**

1. ქორწინების გარეშე დაბადებული ბავშვის მამასა და დედას ეკისრებათ იგივე ვალდებულებები ბავშვთა ზრუნვაზე, როგორც მათ ექნებოდათ ქორწინების შემთხვევაში.

2. როდესაც კანონიერად დაბადებული ბავშვის ზრუნვაზე იურიდიული პასუხისმგებლობა ეკისრებათ მამისა და დედის ოჯახის გარკვეულ წევრებს, ასეთი პასუხისმგებლობა ასევე გამოიყენება ქორწინების გარეშე დაბადებული ბავშვის სასარგებლოდაც.

### **მუხლი - VII**

1. როდესაც ქორწინების გარეშე დაბადებული ბავშვის მიკუთვნება დადგენილია ორივე მშობელთან მიმართებაში, მშობლის უფლებები არ შეიძლება ავტომატურად მიეკუთვნოს მხოლოდ მამას.

2. იარსებებს საშუალება მშობლის უფლებების გადაცემისა; გადაცემის საკითხები მოწესრიგდება შიდა კანონმდებლობით.

### **მუხლი - VIII**

როდესაც ქორწინების გარეშე დაბადებული ბავშვის მამას ან დედას არ გააჩნია ბავშვზე მშობლის ან მეურვობის ვალდებულება, მშობელს შეუძლია მიიღოს უფლება ბავშვთან ურთიერთობისა შესაბამის შემთხვევაში.

### **მუხლი - IX**

ქორწინების გარეშე დაბადებულ ბავშვს გააჩნია მამისა და დედის ქონებაზე შემკვიდრობის ისეთივე უფლება, როგორც მას ექნებოდა კანონიერად დაბადების შემთხვევაში.

### **მუხლი - X**

ქორწინების გარეშე დაბადებული ბავშვის მამის და დედის ქორწინება მიანიჭებს ბავშვს კანონიერად დაბადებული ბავშვის სამართლებრივ სტატუსს.

### **მუხლი - XI**

1. წინამდებარე კონვენცია ღიაა ხელმოსაწერად ევროპის საბჭოს წევრი სახელმწიფოებისათვის. იგი ექვემდებარება რატიფიკაციას, მიღებას ან დამტკიცებას, რატიფიცირების, მიღების ან დამტკიცების შესახებ ინსტრუმენტები დებონირებული იქნება ევროპის საბჭოს გენერალურ მდივანთან.

2. წინამდებარე კონვენცია ძალაში შევა რატიფიკაციის, მიღების ან დამტკიცების შესახებ მესამე ინსტრუმენტის დებონირების დღიდან 3 თვის შემდგომ დღეს.

3. იმ ხელმოწერ სახელმწიფოსთან მიმართებაში, რომელიც შემდგომში მოახდენს რატიფიცირებას, მიღებას ან დამტკიცებებს, კონვენცია ძალაში შევა რატიფიკაციის, მიღების ან დამტკიცების შესახებ ინსტრუმენტის დებონირების დღიდან 3 თვის შემდეგ.

### **მუხლი - XII**

1. წინამდებარე კონვენციის ძალაში შესვლის შემდეგ, ევროპის საბჭოს მინისტრთა კომიტეტს წინამდებარე კონვენციასთან მისაერთებლად შეუძლია მოიწვიოს ევროპის საბჭოს ნებისმიერი არაწევრი სახელმწიფო.

2. ასეთი მიერთება განხორციელდება ევროპის საბჭოს გენერალურ მდივანთან მიერთების შესახებ ინსტრუმენტის დებონირების გზით, რომელიც ძალაში შევა დებონირების თარიღიდან 3 თვის შემდეგ.

### **მუხლი - XIII**

1. ნებისმიერ სახელმწიფოს ხელმოწერის ან რატიფიკაციის, მიღების, დამტკიცების ან მიერთების შესახებ ინსტრუმენტის დებონირების დროს შეუძლია დააზუსტოს ტერიტორია ან ტერიტორიები, რომლებზეც ვაფრცველდება წინამდებარე კონვენცია.

2. ნებისმიერ სახელმწიფოს რატიფიკაციის, მიღების, დამტკიცების ან მიერთების შესახებ ინსტრუმენტის დებონირების დროს ან ნებისმიერ შემდგომ დროს, შეუძლია ევროპის საბჭოს გენერალური მდივნის სახელზე გაკეთებული განცხადებით ვაფრცველოს წინამდებარე კონვენცია, განცხადებაში მოყვანილ ნებისმიერ სხვა ტერიტორიაზე ან ტერიტორიებზე და რომელთა საერთაშორისო ურთიერთობებზე იგი პასუხისმგებელია ან ვისი სახელითაც იგი უფლებამოსილია იკისროს ვალდებულებანი.

3. წინა პუნქტის შესაბამისად გაკეთებული ნებისმიერი განცხადება, ასეთ განცხადებაში მითითებული ნებისმიერი ტერიტორიის მიმართ შეიძლება იქნას გაუქმებული წინამდებარე კონვენციის მე-15 მუხლში დადგენილი პროცედურების შესაბამისად.

### **მუხლი - XIV**

1. ნებისმიერ სახელმწიფოს ხელმოწერის ან რატიფიკაციის, მიღების, დამტკიცების ან მიერთების შესახებ ინსტრუმენტის დებონირების დროს ან წინამდებარე კონვენციის მე-15 მუხლის მე-2 პუნქტის შესაბამისად განცხადების გაკეთების დროს, შეუძლია გააკეთოს არაუმეტეს 3 დათქმისა კონვენციის მეორედან მეათე მუხლის დებულებებთან დაკავშირებით. საერთო ბუნების დათქმები არ დაიშვება, თითოეული დათქმა შეიძლება უკავშირდებოდეს არაუმეტეს ერთ დებულებას.

2. დათქმა ძალაშია შესაბამისი ხელშეშვრელი მხარისათვის წინამდებარე კონვენციის ძალაში შესვლიდან 5 წლის ვადით. შესაძლებელია მისი განახლება მომდევნო 5-წლიანი ვადით ევროპის საბჭოს გენერალური მდივნის სახელზე წინა ვადის ამოწურვამდე გაკეთებული განცხადების გზით.

3. ევროპის საბჭოს გენერალური მდივნის სახელზე ნებისმიერ ხელშეშვრელ მხარეს შეუძლია სრულად ან ნაწილობრივ გააუქმოს ზემოხსენებული პუნქტების შესაბამისად მის მიერ გაკეთებული დათქმა. ასეთი გაუქმება ძალაში შევა გენერალური მდივნის მიერ განცხადების მიღების დღიდან.

### **მუხლი - XV**

1. ნებისმიერ ხელშეშვრელ მხარეს, რამდენადაც ეს მასთან არის დაკავშირებული, შეუძლია ევროპის საბჭოს გენერალური მდივნის სახელზე გაკეთებული შეტყობინებით მოახდინოს წინამდებარე კონვენციის დენონსაცია.

2. ასეთი დენონსაცია ძალაში შევა გენერალური მდივნის მიერ ასეთი შეტყობინების მიღების თარიღიდან 6 თვის შემდეგ.

## **მუხლი - XVI**

ევროპის საბჭოს გენერალური მდივანი ევროპის საბჭოს წევრ სახელმწიფოებს და წინამდებარე კონვენციასთან მიერთებულ ნებისმიერ სახელმწიფოს შეატყობინებს:

- ა) ნებისმიერი ხელმოწერის შესახებ;
- ბ) რატიფიკაციის, მიღების, დამტკიცების ან მიერთების შესახებ ნებისმიერი ინსტრუმენტის დებონირების თაობაზე;
- გ) მე-11 მუხლის შესაბამისად წინამდებარე კონვენციის ძალაში შესვლის ნებისმიერი თარიღის თაობაზე;
- დ) ნებისმიერი შეტყობინების შესახებ, რომელიც მიღებულია პირველი მუხლის დებულებების შესაბამისად;
- ე) ნებისმიერი განცხადების შესახებ, რომელიც მიღებულია მე-13 მუხლის მე-2 და მე-3 პუნქტების დებულებების შესაბამისად;
- ვ) ნებისმიერი დათქმის შესახებ, რომელიც ვაკეთებულია მე-14 მუხლის პირველი პუნქტის დებულებების შესაბამისად;
- ზ) მე-14 მუხლის მე-3 პუნქტის დებულებების შესაბამისად, ნებისმიერი დათქმის განახლების შესახებ;
- თ) მე-14 მუხლის მე-3 პუნქტის დებულებების შესაბამისად, ნებისმიერი დათქმის გაუქმების შესახებ;
- ი) ნებისმიერი შეტყობინების შესახებ, რომელიც მიღებულია მე-15 მუხლის დებულებათა შესაბამისად, და დენონსაციის ძალაში შესვლის თარიღის თაობაზე.

რის დასტურადაც, ქვემოთ ხელისმომწერებმა, რომელთაც გააჩნიათ ამისათვის შესაბამისი უფლებამოსილება, ხელი მოაწერეს წინამდებარე კონვენციას.

შედგენილია სტრასბურგში, 1975 წლის 15 ოქტომბერს, ინგლისურ და ფრანგულ ენებზე. ორივე ტექსტს გააჩნია თანაბარი იურიდიული ძალა, თითოეული მათგანი შესრულებულია ერთ ევზემპლარად და დებონირდება ევროპის საბჭოს არქივებში. ევროპის საბჭოს გენერალური მდივანი დადასტურებულ ასლებს გადასცემს ევროპის საბჭოს წევრ ყოველ ქვეყანას და თითოეულ სახელმწიფოს.